

ZAPISNIK SA 29. SJEDNICE UO SAMOSTALNOG SINDIKATA RADNIKA U BHRT-u, u mandatu 2023/2027, koja je održana u ponedjeljak, 24.11.2025. godine u 12 sati u sali 301.

Prisutni: Merima Kurtović-Pašalić; Džemal Kahrica; Edis Fočo; Mubera Herac; Samir Gadžo; Mustafa Baručija; Ekrem Agić; Sanija Saljihi; Minka Džihanić; Sanin Vila; Kerim Hurla; Omer Bukić; Dragan Miljević;

Dnevni red:

1. Zapisnik sa 28. redovne sjednice UO SSR u BHRT-u
2. Aktualna situacija
3. Finansije
 - Blagajnički izvještaj za mjesec oktobar 2025. godine
 - Izvještaj Adriatic osiguranje za mjesec oktobar 2025. godine
4. Pomoć
 - Pomoć članovima sindikata za mjesec novembar 2025. godine
5. Razno

Ad 1. Predsjednica M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 29.redovnu sjednicu UO SSR u BHRT-u, u mandatu 2023/2027.g i predložila dnevni red koji je jednoglasno usvojen, kao i Zapisnik sa 28. sjednice UO sindikata.

Ad 2. M.K.Pašalić je prenijela prisutnim članovima UO situaciju u kojoj se trenutno nalazi Javni servis BIH prema navodima iz medija od Menadžmenta i rukovodstva BHRT-a , da je situacija katastrofalna, opterećena je firma dugovanjima prema uposlenicima, EBU, UIO, dobavljačima a ima i prijetnji o pljenidbi imovine BHRT-a.

Predsjednica je upoznala članove UO da je upućen apel SSR u BHRT-u, kolegijima oba Doma državnog parlamenta da zakažu hitnu zajedničku sjednicu sa samo jednom tačkom dnevnog reda:situacija u Javnom servisu BIH i rješavanje problema stabilnog finansiranja.

Programski kolegij BHT-a i BHR1, pozvali su sve uposlenike 27.11. 2025.g na otvoreni program-protest na platou ispred zgarde državnih institucija od 10 do 15 sati u vrijeme trajanja zajedničke sjednice oba Doma državnog parlamenta,na kojoj je jedna od tačaka i poziv Komisije za saobraćaj i komunikacije PDBIH da se pomogne BHRT-u.

Prema odluci direktorice BHT-a Nede Tadić u vrijeme otvorenog programa,emitovaće se samo vijesti i sve što se dešava na platou, dakle program će biti posvećen nama.

SSR u BHRT-u nije organizator ali će učestvovati u Specijalnom programu-programskom protestu, kada se bude govorilo o socijalnom aspektu, pojasnila je S.Saljihi. Donesen je Zaključak da Samostalni sindikat radnika u BHRT-u podržava odluku o Specijalnom programu BHRT-a i da će aktivno učestvovati u njemu.

M.K.Pašalić je saopćila i da je kontaktirala sa predsjednicima Sindikata državnih službenika i namještenika BIH,Sindikatom radnika u trgovini BIH,Sindikatom rudara u FBiH, predsjednicom Evropske Federacije novinara, predsjednikom Samostalnog sindikata BIH, svi su nam poslali pisma podrške i pružili bezrezervnu podršku u borbi za radnička prava.

Potpredsjednik E.Fočo je upoznao članove UO i o nestanku struje u 11 sati i 50 minuta što se „vidjelo i u programu“ a stabilno napajanje je uspostavljeno oko 12 i 20h. Ostali problemi koji su uslijedili u bili u realizaciji programa dogodili su se nakon toga.

UO je jednoglasno glasao da se uputi Dopis generalnom direktoru u kojem smo ponovili da smo posljednjih nekoliko godina upozoravali da bi se takvo nešto moglo desiti jer su energetska postrojenja u katastrofalnom stanju.

Član UO M.Baručija je obavijestio prisutne da je pozitivno to što je popravljen kvar na vodovodnim cijevima,tako da i najviši spratovi imaju vodu.

Ad 3. Blagajnički izvještaj

- Blagajnički izvještaj za mjesec oktobar 2025. godine je primljen k znanju.
- Izvještaj o poslovanju sa Adriatic osiguranjem-BSO za oktobar 2025.godine je primljen k znanju.
- Jednoglasno je donesena Odluka o kupovini poklon bonova Konzuma za djecu članova SSR u BHRT-u za Novu godinu u iznosu od po 30 KM po djetetu (od 2015.godište do 2025.godište). Za realizaciju se zadužuju Mubera Herac i M.K.Pašalić.

Ad 4. Pomoć za mjesec novembar 2025.g

- Komisija za dodjelu pomoći jednoglasno je donijela Odluku o pomoći za mjesec novembar:
 - Nedžad Junuzović - 400KM (prvi dio)
 - Senad Katana – 500KM (prvi dio)
- Odluka o pomoći za mjesec novembar u ukupnom iznosu 900 KM usvojena je jednoglasno.

Ad 5. Razno

Pod tačkom razno članica UO M.Džihanić je obavijestila prisutne da medicinska sestra Jasmina iz ambulate u RTV domu, odlazi u penziju 10.12.2025. te da bi bilo lijepo da joj u ime članova SSR u BHRT-u kupimo neki poklon u znak zahvalnosti.

Jednoglasno je prihvaćen prijedlog /Odluka o kupovini poklona za sestru Jasminu i zadužena je koleginica M.Džihanić za realizaciju.

U 12 sati i 35 minuta sjednica je zaključena.

Izvršna sekretarka
Mubera Herac

Predsjednica SSR u BHRT-u
Merima Kurtović-Pašalić